

یوہ آکاشوانی جموں ہے جاوید اقبال تیں خبر سُنو۔

GURUPURAB

گورو نانک جیانتی جس نانہہ گروپورب وی کہیو جے اج پورا ضلع تے جموں کشمیر مانہہ منایو جارہیو ہے جہڑو گروواں مانہہ پہل اتے سنگھ مزیب غا بانہی گرو ننانک دیو گی 556 وی یوم پیدائش غا موقعہ ور منایو جارہیو ہے اج ملک گا متہ حصاں مانہہ اس تہاڑا غا موقعہ ور عام چھٹی اے خاص طور ور سکھ تے ہندو آبادی آلی ریاستان مانہہ اس سلسلہ مانہہ جموں مانہہ مرکزی تقریبات بی بی چند کور گرو دوارہ مانہہ منعقد کی جے گی جس کی شروعات ناگر کرتن تیں وے تے اس تیں بعد اکھنڈ پاتھ کیو جائے اس تہاڑے عقیدت منداں نانہہ لنگر وی پیش کی و جے اس موقعہ ور لیفٹیننٹ گورنر منوج سنہا تے وزیر اعلیٰ عمر عبداللہ نے گرونانک دیو جی گا پرکاش اُتسو کا مسرت موقعہ ور لوکاں نانہہ مبارک باد پیش کی ہے تے زور پایو جے وے گرو غی تعلیمات ور عمل کریں۔

ARMY TROOPS

بھارتی فوج غی 16ویں کور غا دستاں گو سامنو دہشت گرداں تیں تدہو، جد وہ کشتواڑ غا علاقہ مانہہ خفیہ اطلاع غی بُنیاد ور کاروائی کر رہیا تھا فوج گا ترجمان غے مطابق اج سویرے ایک خفیہ اطلاع ور جموں کشمیر پولیس غے نال آپریشن غے دوران واٹنٹ نائٹ کور غا جواناں نے چھاترو غا علاقہ مانہہ دہشت گرداں تیں آمنو سامنو کیو جس دوران فائرنگ غو تبادلہ ہوو، تے کاروائی اجیں جاری ہے۔

WEATHER

جموں کشمیر غا پہاڑی علاقہ مانہہ بشمول گلمرگ تے سونامرگ مانہہ گئی رات برف باری ہوئی ہے جد کہ مرکز زیر انتظام علاقہ گا دوجا حسان مانہہ بارش ہوئی ہے، کشمیر، کشتواڑ، پونچھ غا اوچا علاقان مانہہ ہلکی برف باری ہوئی جد کہ سرینگر جموں تے مرکز زیر انتظام گا دوجا علاقان مانہہ شام توڑی بارش رئی جس نال خطہ گا درجہ حرارت مانہہ نمایا کمی دیکھی گئی۔ محکمہ موسمیات غا ڈائریکٹر ڈاکٹر مختار احمد نے کہیو ہے جے 5 نومبر نانہہ موسم عام طور ور ابر آلود وے غو جد کہ کشمیر صوبہ غا کئی علاقان تے جموں صوبہ مانہہ بارش تے برف باری ہون گا امکان ہیں انہاں نے مزید کہیو ہے 6 نومبر تیں 15 نومبر توڑی موسم اک بار فر خشک رے غو۔

BIHAR POLLS

بہار مانہہ اسمبلی انتخابات غا پہلا مرحلہ واسطے ووٹنگ پلک وین غی یہ مرحلہ 18 ضلاع گی 121 نشستان ور وین گا آزاد منصفانہ تے پُرمان ووٹنگ نانہہ یقینی بنان واسطے سخت حفاظتی انتظامات کیا گیا ہیں ووٹنگ سویرے 7 بجے شروع وے غی تے شام 6 بجے توڑی جاری رے غی اس مرحلہ مانہہ 3 کروڑ 75 لکھ تیں زیادہ ووٹر 1314 امیدواراں غی قسمت غو فیصلو کریں غا ان مانہہ 122 خواتین امیدوار ہیں تے ایک خواجہ سرا امیدوار شامل ہے۔

DIGITAL LIFE CERTIFICATE CAMPAIGN

پرسنل عوامی شکایت تے پنشن گا وزیر مملکت ڈاکٹر جتندر سنگھ اج نوی دلی مانہہ چوتھی ملک گیر ڈیجیٹل لائف سرٹیفکیٹ مہم غو آغاز کریں گا وزارت نے کہیو ہے جے اک ماہ تک چلن آلی یاہ مہم ملخ گا 25000 کیمپاں مانہہ منعقد کی جے غی اس مہم غو مقصد چہرہ غی تصدیق کرن آلی ٹیکنالوجی غو استعمال کرے پنشنراں نانہہ ڈیجیٹل باختیار بنانو ہے اس مہم غو انعقاد اس گل نانہہ

یقینی بنان واسطے کیو جارہی و ہے جے تمام پنشنراں خاص طورور بزرگ پنشنراں نانہہ بلا کسی رُکاوٹ تیں اپنا لائف سرٹفکیٹ جمع کروان مانہہ کائے پریشانی نہ وے۔

CS NHML

جموں کشمیر غا چیف سیکرٹری اٹل ڈلو نے کل مرکزی زیر انتظام علاقہ جموں کشمیر مانہہ قومی شاہراہ لاجسٹک منجیمنٹ کمیٹیڈ غے ذریعے چلن آلا بڑا بُنیادی ڈھانچہ غا منصوبیاں غی پیش رفت تے نفاذ غو جائیزو ليو۔ اس میٹنگ مانہہ پروات ملا سکیم غے تحت روپ وے پروجیکٹ یعنی رسی غی سڑک منصوبہ کترہ مانہہ انڈماٹل سٹیشن یعنی ایسو مرکز جت بکھ بکھ قسم گا سفری ذرائع اک ہی جگہ ور آپس مانہہ جڑیں تانجے مسافراں ذرائع اک ہی جگہ توں دوجی جگہ جان ور سہولت مل سکے تے جموں مانہہ کثیر کلٹی ماڈل لاجسٹک پارک ور خاص توجہ مرکوز کی گئی تے کہیو گیو جے یہ سب خطہ مانہہ لاجسٹک کارکردگی رابطہ تے سیاحت غا بُنیادی ڈھانچاں نانہہ بدھان واسطے اہم ہیں۔ روپ وے پروجیکٹاں گی پیش رفت غو جائیزو لیتا واں چیف سیکرٹری نے اس گل ور زور پایو جے یوٹی انتظامیہ پائیداد ٹرانسپورٹ غے ذریعے خاص سیاحتی تھاراں ور بہتر رابطہ نانہہ ترجیحی دے رہی ہے۔ چیف سیکرٹری نے تمام زیر التواء مالی و انتظامی مسائل نانہہ حل کرن ور تیزی سنگ کاروائی کرن ور زور پایو۔ تانجے پروجیکٹاں غی ولے سر شروعات نانہہ یقینی بنایو جاسکے۔

RAMBAN FARMERS

کساناں گا زرعی یونیورسٹیاں غا دورہ زراعت غا پروگراماں غو خاص حصواں ان تجارتی فارماں غا دورہ زرعی صنعتی تے تحقیقی مرکزاں غا دوران غے ذریعے کساناں نانہہ تجربو فراہم کریں حال ہی مانہہ رام بن زرعی محکمہ نے کساناں گا اک گروپ نانہہ پنجاب زرعی یونیورسٹی لدھیانہ ٹرریو تانجے کساناں نانہہ کاشتکاری غی للکاراں جدید تکنیک پائیداد طریقاں تے پیداوار نانہہ لے گے مربوط کاشتکاری غا نظام تیں آغا کیو جاسکے۔
